



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ. Խորենացու 3, 7

02.06.2023թ.

Որոշում թիվ 144-2023/03-Կ

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ ՎԱՐՉԱԿԱՆ ԻՐԱՎԱԽԱԽՏՄԱՆ
ԳՈՐԾԸ ԿԱՐՃԵԼՈՒ ՎԵՐԱԲԵՐՅԱԼ

ՀՀ պետական եկամուտների կոմիտեի նախագահի տեղակալ Կարեն Թամազյանս՝ քննելով 07.03.2023թ-ին կազմված «Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վերաբերյալ» արձանագրության հիման վրա 30.03.2023թ-ին հարուցված վարչական վարույթը, ուսումնասիրելով 01.06.2023 թվականի թիվ 144-2023/03-Ա վարչական իրավախախտման գործի վերաբերյալ արձանագրությունը և վարույթի նյութերը՝

Պարզեցի

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 12.07.2022թ-ի թիվ ԱՀ 86357 հանձնարարագրի հիման վրա 13.07.2022թ-ի թիվ 86357 որոշմամբ արգելանք է կիրառվել «ՈՒՆԻՎԵՐՍԱԼ-ՕՐԴԵՐ» ՍՊ ընկերության /ՀՎՀՀ՝ 02572382/ բանկային հաշիվներում առկա դրամական միջոցների վրա՝ 3.771.694 ՀՀ դրամ գումարի չափով: Բանկային հաշիվներում առկա դրամական միջոցների անբավարարության /կամ բացակայության/ հիմքով 09.08.2022թ-ի թիվ 86357/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 3.810.166 ՀՀ դրամ գումարի չափով, ինչպես նաև 01.12.2022թ-ին թիվ 86357/2 որոշմամբ արգելանք է կիրառվել կազմակերպությանը պատկանող այլ գույքի վրա՝ 3.972.602 ՀՀ դրամ գումարի չափով:

Հարկ վճարողի գույքի վրա արգելանք դնող պաշտոնատար անձի կողմից հարկ վճարողին 15.08.2022թ-ին փոստային ծառայության միջոցով /LO105163245AM/ ուղարկված գրությամբ պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը: Նշված գրությունը փոստային ծառայությունից հետո է վերադարձել «Տեղափոխված» նշագրմամբ, որից հետո 10.02.2023թ-ի գրությունը 13.02.2023թ-ին ուղարկվել է կազմակերպության armsaki@yahoo.com էլեկտրոնային հասցեով, սակայն վերջինս չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Վերը նշվածի հիման վրա հարկ վճարողի գույքի վրա արգելանք դնող պաշտոնատար անձի կողմից 07.03.2023թ-ին կազմվել է արձանագրություն՝ իր իրավասությունների սահմաններում գործողությունների կատարմանը խոչընդոտելու վերաբերյալ:

«ՈՒՆԻՎԵՐՍԱԼ-ՕՐԴԵՐ» ՍՊԸ-ի /ՀՎՀՀ՝ 02572382/ տնօրեն Արմեն Սահակյանի /ՀԾՀ՝ 2604730278, ԱՆՁՆ՝ AS0347203, տրված՝ 23.08.2018թ-ին, 007-ի կողմից, հասցե՝ ք. Երևան, Նոր Նորք, Մոլորվական փ. 232, 23/ կողմից վերը նկարագրված արարքների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6-րդ հոդվածով:



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am էլ. փոստ՝ secretariat@petekamutner.am

Փաստի կապակցությամբ հարուցվել է վարչական վարույթ և Արմեն Սահակյանը ծանուցվել է այդ մասին:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 07.04.2023թ-ին ժամը 17:00-ին և վարչական իրավախախտման գործի քննությանը 12.04.2023թ-ին ժամը 15:00-ին մասնակցելու նպատակով «ՈՒՆԻՎԵՐՍԱԼ-ՕՐԴԵՐ» ՍՊ ընկերության /ՀՎՀՀ՝ 02572382/ տնօրեն Արմեն Սահակյանին 01.04.2023 թվականին փոստային ծառայության միջոցով /LO108817767AM/ պատշաճ ծանուցում է ուղարկվել, սակայն 07.04.2023թ-ի դրությամբ ծանուցագիրը ստանալու փաստը բացայակել է, այդուհանդերձ վարչական մարմինը նախքան վարչական ակտ ընդունելն, անհրաժեշտ է համարել նրա ներկայությունը՝ վարույթին առնչվող որոշ կարևոր հանգամանքներ նրանից պարզելու համար, հետևաբար 07.04.2023թ-ի թիվ 144-2023/03-Կ որոշմամբ վարչական վարույթը կասեցվել է:

Վարչական իրավախախտման վերաբերյալ արձանագրության կազմմանը և նյութերի նախապատրաստմանը 01.06.2023թ-ին ժամը 15:30-ին և վարչական իրավախախտման գործի քննությանը 02.06.2023թ-ին ժամը 12:00-ին մասնակցելու նպատակով 24.05.2023թ-ին կազմված ծանուցագիրը «ՈՒՆԻՎԵՐՍԱԼ-ՕՐԴԵՐ» ՍՊԸ-ի /ՀՎՀՀ՝ 02572382/ տնօրեն Արմեն Սահակյանին 25.05.2023թ-ին ուղարկվել է կազմակերպության էլեկտրոնային «armsaki@yahoo.com» հասցեին, որը վերջինիս կողմից ստացվել է 26.05.2023թ-ին:

07.04.2023 թվականին կայացված «Վարչական վարույթը կասեցնելու մասին» թիվ 144-2023/03-Կ որոշումը «ՈՒՆԻՎԵՐՍԱԼ-ՕՐԴԵՐ» ՍՊԸ-ի /ՀՎՀՀ՝ 02572382/ տնօրեն Արմեն Սահակյանին ուղարկվել է կազմակերպության էլեկտրոնային «armsaki@yahoo.com» հասցեին:

Արձանագրությունը կազմելու վայրի և ժամանակի մասին պատշաճ ծանուցված լինելով Արմեն Սահակյանի լիազորված անձ՝ Կարեն Սեդրակյանը /Ն/Ք՝ 010032456/ ներկայացել է հարկային մարմին, ներկայացրել է դրամարկղային գիրքը, ուստի 01.06.2023թ-ին հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վարչական իրավախախտման գործի վերաբերյալ թիվ 144-2023/03-Ա արձանագրությունը կազմվել է Արմեն Սահակյանի լիազորված անձ՝ Կարեն Սեդրակյանի ներկայությամբ:

Հարկ է նշել նաև, որ 18.05.2023թ-ի դրությամբ «ՈՒՆԻՎԵՐՍԱԼ-ՕՐԴԵՐ» ՍՊԸ-ն մարել է հարկային պարտավորությունները:

ՀՀ հարկային օրենսգրքի 36-րդ հոդվածի 1-ին մասի 11-րդ կետի համաձայն՝ հարկային մարմինը (հարկային հսկողություն իրականացնող պաշտոնատար անձը) լիազորված է հարկային պարտավորությունների գանձումն ապահովելու նպատակով ՀՀ հարկային օրենսգրքով սահմանված դեպքերում և կարգով արգելանք դնել հարկ վճարողի (հարկային գործակալի) գույքի վրա:

ՀՀ հարկային օրենսգրքի 434-րդ հոդվածի 2-րդ մասի համաձայն՝ հարկ վճարողի դրամարկղում ունեցած կանխիկ դրամական միջոցների վրա արգելանք դնելու մասին որոշումը հարկ վճարողին ներկայացնելու օրը որոշումն ընդունած հարկային մարմնի պաշտոնատար անձը գույքագրում է հարկ վճարողի դրամարկղում առկա կանխիկ դրամական միջոցները և դրանք, ինչպես նաև արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող կանխիկ դրամական միջոցներն արձանագրությամբ ի պահ է հանձնում հարկ վճարողին: Հարկ վճարողի դրամարկղում առկա կանխիկ դրամական միջոցների՝ արգելանքի տակ գտնվելու ժամանակահատվածում որոշում կայացրած հարկային մարմնի պաշտոնատար անձն իրավունք ունի ցանկացած ժամանակ գույքագրելու դրամարկղում դրամական միջոցների առկայությունը, ինչպես նաև մուտքագրված և ելքագրված դրամական միջոցների շարժը, որի արդյունքներով կազմվում է արձանագրություն: Դրամարկղում կանխիկ դրամական միջոցների կամ կանխիկ դրամական միջոցների շարժի գույքագրման արձանագրության ձևը սահմանում է հարկային մարմինը, որում նշվում են գույքագրման ամսաթիվը, ժամանակահատվածը, արգելանքի տակ գտնվող դրամական միջոցների արժույթը, արժեքը, քանակը, մուտքագրված դրամական միջոցների արժեքը և դրանց ստացման աղբյուրը, ելքագրված դրամական միջոցների արժեքը և ծախսման ուղղությունները, ի պահ հանձնվող դրամական միջոցների արժույթը, արժեքը, քանակը, գույքագրման ընթացքում դրամարկղային



գործառնությունների կատարման դադարեցման ժամանակահատվածը, նշում՝ արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող դրամական միջոցների արգելանքի տակ գտնվելու և ի պահ ընդունելու վերաբերյալ, գույքագրմանը մասնակցող անձանց տվյալներն ու ստորագրությունները: Նշված արձանագրությունները հարկ վճարողի դրամարկղում առկա կանխիկ դրամական միջոցների վրա արգելանք դնելու մասին որոշման անբաժանելի մասն են:

ՀՀ հարկային օրենսգրքի 435-րդ հոդվածի 2-րդ մասի համաձայն՝ արգելանքն իրականացնող պաշտոնատար անձն արգելանքի տակ դրված այլ գույքն ի պահ է հանձնում հարկ վճարողին, իսկ եթե հարկ վճարողը փորձում է արգելանքի տակ դրված գույքը կամ դրա առանձին բաղադրամասերը վատնել, թաքցնել, ապօրինաբար մեկ ուրիշին հանձնել, փչացնել կամ ոչնչացնել, ապա գույքի պահատվությունը հանձնվում է նման գործունեություն իրականացնող մասնագիտացված կազմակերպությանը՝ պահատվության պայմանագրի հիման վրա: Պահատվության հետ կապված ծախսերը կատարում է հարկ վճարողը:

«Հարկային ծառայության մասին» ՀՀ օրենքի 35-րդ հոդվածի 1-ին և 3-րդ մասերի համաձայն՝

1. Հարկային ծառայողի՝ իր իրավասության սահմաններում առաջադրած պահանջները պարտադիր են բոլոր պետական կառավարման և տեղական ինքնակառավարման մարմինների, հիմնարկների, կազմակերպությունների, պաշտոնատար անձանց և քաղաքացիների համար:

3. Հարկային ծառայողի պահանջները չկատարելը կամ նրա պարտականությունների կատարմանը խոչընդոտելն առաջացնում է օրենքով սահմանված պատասխանատվություն:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում հարկ է նշել, Արմեն Սահակյանը պարտավոր էր ապահովել արգելադրում իրականացնող պաշտոնատար անձանց օրինական պահանջները, մասնավորապես, ներկայացնել պահանջվող փաստաթղթերը՝ դրամարկղային գիրքը և հարկ վճարողի այլ գույքակազմի վերաբերյալ տեղեկություններ:

Հիմք ընդունելով հիշյալ իրավակարգավորումները, համադրելով դրանք գործում առկա փաստական հանգամանքների հետ, պետք է նշել, որ Արմեն Սահակյանը խոչընդոտել է հարկային հսկողություն իրականացնող պաշտոնատար անձանց ծառայողական պարտականությունների կատարմանը, հետևաբար Արմեն Սահակյանի արարքում առկա են Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված իրավախախտման դեպքը:

Վարույթն իրականացնողը հարկ է համարում նշել նաև, որ թեև Արմեն Սահակյանը 14.02.2023թ-ին ստացել է հարկ վճարողի գույքի վրա արգելանք դնող պաշտոնատար անձի կողմից 10.02.2023թ-ի գրությունը, որով պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը, սակայն պահանջվող ժամկետում չի ներկայացել հարկային մարմին, չի ներկայացրել դրամարկղային գիրքը և չի ներկայացրել

բացատրություն, այդուհանդերձ նշված դեպքի առթիվ 30.03.2023թ-ին հարուցված վարչական վարույթով վարչական իրավախախտման արձանագրության կազմմանը և նյութերի նախապատրաստմանը մասնակցելու նպատակով 24.05.2023թ-ին կազմված ծանուցագիրը ստանալուց հետո Արմեն Սահակյանյանի լիազորված անձ՝ Կարեն Սեդրակյանը 01.06.2023թ-ին ներկայացրել է կազմակերպության դրամարկղային գիրքը, իսկ 18.05.2023թ-ի դրությամբ արդեն իսկ ամբողջությամբ մարել է «ՈՒՆԻՎԵՐՍԱԼ-ՕՐԴԵՐ» ՍՊԸ-ի պարտավորությունները, այսինքն՝ առկա են իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, ուստի՝ վարույթն իրականացնողը գտնում է, որ կատարված իրավախախտման համար Արմեն Սահակյանի նկատմամբ բավարար է Վարչական իրավախախտումների վերաբերյալ ՀՀ օրենսգրքի 21-րդ հոդվածով նախատեսված «բանավոր դիտողություն» հայտարարելը: Հետևաբար կատարված իրավախախտման համար Արմեն Սահակյանի նկատմամբ հարուցված վարչական վարույթը ենթակա է կարճման:

Հիմք ընդունելով ամբողջ վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «ա» կետով, Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասով, 2442 , 281-րդ հոդվածներով և 282-րդ հոդվածի 1-ին մասով՝

ՈՐՈՇԵՑԻ

1. Վերսկսել 07.04.2023 թվականի թիվ 144-2023/03-Կ որոշմամբ կասեցված վարչական վարույթը,
2. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի՝ «ՈՒՆԻՎԵՐՍԱԼ-ՕՐԴԵՐ» ՍՊԸ-ի /ՀՎՀՀ՝ 02572382/ տնօրեն Արմեն Սահակյանին հայտարարել «բանավոր դիտողություն» և ազատել վարչական պատասխանատվությունից:
3. «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «ա» կետի և Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին կետի, «ՈՒՆԻՎԵՐՍԱԼ-ՕՐԴԵՐ» ՍՊԸ-ի /ՀՎՀՀ՝ 02572382/ տնօրեն Արմեն Սահակյանի նկատմամբ հարուցված վարչական վարույթը կարճել:



Ծանոթություն. Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հասցեատիրոջն իրազեկելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով: